

## ( 11 ) قاعدة للنجاح في أي مجال في الحياة | #عودة\_الروح\_2

### | د . حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اما بعد جينا لهم درس في العمرة كلها يا جماعة واكتر درس صادم للناس في العمرة كلها. آآ يعني وهو مازا بعد العمرة - 00:00:00

طبعا انا مش هاكلمكم دلوقتي كلام ايماني خالص. انا هاكلمكم كلام رأس مالي صادم. هاكلمكم كلام قواعد من غيرها آآ اللي مش الدروس ده انت ممكن تعتبره على وجه الحياة حياة وموت. هتطبق الكلام ده انت حر. مش هتطبق الكلام ده انت حر. انما انسى - 00:00:20

ان اللي احنا بنعمله ده او اللي احنا كنا بنعمله قبل كده ده هيوصلنا فيه قواعد للوصول في اي طريق في الحياة. يا اخوانا قواعد النجاح في الحياة واحدة. لو خدتها الطالب وطبقها بيقى اشطر - 00:00:38

طالب في دفعته. لو خدتها الميكانيكي وطبقها هيبقى اشهر ميكانيكي في بلده. لو خدتها الداعية وطبقها هيبقى انجح داعية بازن الله. وبفتح الله سبحانه وتعالى. لو وزير وطبقها هيبقى انجح وزير في الوزارة كلها. قواعد النجاح واحدة. النجاح ملة واحدة. سنن واحدة قواعد - 00:00:53

واحدة يبقى نفس القواعد اللي طالب كلية طب يحتاج يطبقها عشان يتعيين في الجامعة هي نفس القواعد اللي انت تحتاج تطبقها عشان يبقى لك مستقبل في الدين. انت مش عايز يبقى لك مستقبل في الدين خلاص خليك واضح وصريح. يا اخواننا اي انسان ما عندوش حاجتين - 00:01:13

هو مسلم بس هو ما يتسماش ملتزم. ما يعيش في وهم الالتزام اللي ما عندوش بيئه ايمان هو بيس بت جواها وبيتعاقد معها على العمل الصالح. واللي ما عندوش سفر في الدعوه هو وافق عليه - 00:01:32

اه ممكن يبقى انسان طيب. انسان قلبه نقى. انسان جميل. مسلم جميل. انما ما يجييش يقول لي انا واحد ايه اه الحاجتين دول اللي يعملهم ده انسان ملتزم. ده بحق وحقيقة انسان متدين. طب نوصل للكلام ده ازاي؟ انا هاكلمكم النهاردة يا جماعة في مجموعة من العناصر. العنصر الاولاني وما - 00:01:49

وجدنا لاكثرهم من عهد العنصر الثاني اياك ان تقع في فخ مازا بعد العمرة العنصر الثالث المجاهدة الفردية ليست حللا العنصر الرابع العمارة بداية وليس نهاية وبعد كده لستة فيه سبع عناصر ولكن هنبدا بالرابعة دول آآ آآ وما وجدنا - 00:02:09

الدرس بتاع النهاردة مش طويل الدرس بتاع النهاردة قواعد للنجاح في الدين. اللي عايزه تنجح في الدين تطبق قواعد الدين. اللي عايز يبقى له مستقبل في الدين يطبق القواعد دي. النجاح مش لعبة - 00:02:32

والنجاح مش فهلوة. والنجاح مش خبطة حز. والنجاح مش ضربة حز جت معى فيها. واللي فاكر كده هييعيش فاشل هو يموت فاشل سواء مفاهيمه دي في دين او مفاهيمه دي في دنيا. ما حدش بینجح الا لما بياخد سنن النجاح. يعني ينفع انجح من غير ما اخدتها؟ اه ينفع - 00:02:44

بالزيط زي ما السيدة مريم حملت من غير زواج. يعني معجزة الله قادر على كل شيء. انما سنن ربنا خلق السنن دي عشان تحكمنا. اللي مش هيحترم السنن هو مستنى بقى معجزة كده ايه زي معجزة ان سيدنا عيسى اتولد من ام من غير اب. كده يعني حاجة زي ايه؟

معجزة - 00:03:04

سيدنا زكريا وعنه واحد وتسعين سنة رزق هو مستني حاجة زي كده. انما عايزين ننجح في الدين نسمع الكلام ده. اول حاجة وما وجدنا لاكثرهم من عهد. آ مؤلمة جدا. اوعي تبقي من اهل هزه الاية. اوعي بعد ما عاهدت ربنا كل حاجة عملتها في الكعبة هنا هي عهد بينك وبين الله. كل حاجة عملتها في - 00:03:24

احرام ده عهد بينك وبين الله على الزهد. بعد ما لبست كفنك ما ترجعش بقى تاني غير من اهل الدنيا. وهتموت على الدنيا بعد ما قلت لبيك اللهم لبيك. النبي عليه الصلاة والسلام كان لما يشوف دنيا حلوة يقول لبيك ان العيش عيش الآخرة. يعني كلمة لبيك دي بقت منهجه - 00:03:44

الحياة عند النبي عليه الصلاة والسلام. مش كلمة بتقوليها في عمرة وفي حج والسلام عليكم. وترجعي لبيك يا دنيا. لا ده لبيك يا الله! دي كلمة بقولها هنا عشان اعمل عمرة - 00:04:04

انما قلبي ونفستي وعقليتي انا بلبي نداء الدنيا. لما انت لبيت نداء ربنا هنا. ارجع بقى شعار حياتك لبيك اللهم لبيك اانا يا رب عايش عشانك وما فيش حاجة هتقفل بيبني وبينك. اواعي بعد ما قلبك طاف حوالين الكعبة قلبك يرجع يطوف حوالين الدنيا - 00:04:14  
احنا بنجتهد في الدنيا وبننسعى في الدنيا وبنسترجل في الدنيا ولكن قلوبنا بعد ما طافت حوالين الكعبة زي طواف الملايكة حول عرش الله مش حوالين الدنيا تاني اهدافك مش هترجع تطوف قلبك بها حوالين الدنيا تاني. نفسيتك مش هتفضل تطوف حوالين الدنيا تاني. خلاص بقى استقيم بقى. استقيم - 00:04:34

بيقى وما وجدنا لاكثرهم من عهد ما دي كلها عقود مع الله اواعي بعد ما سعيت بين الصفا والمروءة انت اتعلمت السعي عشان ربنا واتعلمت هرولة عشان ربنا. اواعي ترجع كل سعيك دنيا وما فيش اي سعي في دين ولا اي سعي في دعوة. ولا اي مسئولية عن دين ولا اي - 00:04:57

عن دعوة الى الله ولا امر بمعرفة ولا نهي عن منكر ولا اعمال خيرية ولا حفظ قرآن ولا فيه سعي في الدين اصلا. اومال انت كنت انت كنت بين الصفا والمروءة قاعد تمسل ولا انت ما كنتش فاهم انت بتعمل ايه ؟ ولا انت ما كنتش فاهم ان اللي انت بتعمله ده عهد بينك وبين الله وما وجدنا لاكثرهم من عهد. اواعي بعد ما - 00:05:17

عقيدة ربنا وعاهدت ربنا انك هتسعى عشان الجنة بين الصفا والمروءة وقلبك هيطوف حول رضا الله ومراد الله. يعني اهدافك هتبقى هي رضا الله. والوصول الى الله. والا انت كنت راجل ممسل واديت الدور حلو اووي اووي اووي - 00:05:38  
ولبست لبس الدور بتاعك اللي هو اللبس الابيض اللي زي الكفن ده. وعملت الدور بتاعك مية مية. ولكن في النهاية انت كنت بتتمسل لو انت كنت بتعمل دور ما انتاش فاهمه - 00:05:58

او انت كنت بتقول حركات انت ما انتاش عارفها. زي واحد بيعاهم واحد بس بيتكلم بلغة ما يعرفهاش. قعد يقرأ كلام انجليزي ما هوش فاهم معناه اصلا. وهو الكلام ده معناه - 00:06:10  
عهد بيته وبين هزا الشخص وما وجدنا لاكثر من عهد. مش عايزين ننكس عهدهنا مع الله. بعد ما نرجع عايزين العمارة تتحول لواقع حي في حياتنا. لبسا ما ترجعش تاني بقى من اهل الدنيا - 00:06:20

لبست اعيش ملي لله. سعيت اعيش ساعي من اجل رضا الله. توف تعيش قلبك بيطوف حوالين اهداف الدين. النقطة الثانية اياك ان تقع في فخ مازا بعد العمارة؟ ايه فخ مازا بعد العمارة ده يا جماعة؟ ده فخ يا جماعة. مازا بعد العمارة؟ اه يعني ايه اللي بعد العمارة؟  
مش فاهم يعني هتبقى ديناصور يعني مش فاهم يعني هتركب الاجنبي - 00:06:33

وهيطلع الافتار وهتبقى بنى ادم تاني ؟ الذي بعد العمارة هو الذي كان قبل العمارة يعني عادي هو شوية مشاعر وراجع مشحون وحاسس انك هتكسر الدنيا. وبعد يومين انت كنت جاي منين ؟ اللي انت جاي منه هو اللي انت - 00:06:53  
قالوا يعني من الاخر كده فيه واحد جاي من تحت كوبري. يعني ايه ؟ هو واحد كان مشرد اصلا. هو اللي عنده ميت ايمان. ولا عنده آآ صحبة آآ آآ بموصلة الى الله - 00:07:10

ولا عنده مشاريع دعوية مشتركة فيها. ولا عنده واقع ديني موجود فيه. ولا عنده ما عنده حاجة اصلاً. هو واحد جاي من ما فيش ما فيش حياة دينية اصلاً في حياته. فهو جه انفعل وسخن وعيط وفي الاخر هيرجع ارجع نفس الواقع تاني - 00:07:23  
اياك ان تقع في فخ ماذا بعد العمارة؟ انت لازم تسعى من الوقت عشان كده باكلمكم قبل نهاية العمارة بثلاث ايام. انت لازم تسعى من الوقت انك اصنع الواقع اللي انت هترجع عليه. اياك ان تقع في فخ ماذا بعد العمارة؟ الكلام مش مشاعري. والله يا جماعة الدرس ده اسهل درس. الناس تعيط فيه - 00:07:43

يعني لو احنا عايزين نقضيها وعز اسهل درس الدنيا كلها تعيط فيه. ماذا بعد رمضان؟ ماذا بعد العمارة؟ ماذا بعد الحج؟ ماذا بعد درس ماذا بعد ماذا بعد ليه؟ وحط اي حاجة الموضوع بسيط ولا نعيط. انما انت هتعطي وهرجع لنفس اللي انت كنت - 00:08:02  
فاحنا عايزين نفوق الوقتي. النقطة الثالثة المجاهدة الفردية ليست حلاً خمسة في المية من وصولك الى الله متوقف على علو همتك خمسة في المية بس عارف انت لما يقول لك آآ ان الكلام آآ بيؤسر عشرة في المية من المستمع والبودي لانج وحركة اليد وحركة - 00:08:22

الوش وتعبيرات الوش والفيشيا الاكسبريشن بتؤسر آآ تمانين تسعين في المية في المجتمع. يعني ايه؟ يعني يعني الصادق مش يوصل حاجة. من الاخر الموضوع بس مش ان الكلام يبقى حلو وخلاص. فالزبط كده فيه صدمات خمسة في المية من وصولك الى الله متوقف على علو همتك - 00:08:48

ومدى زكائك ومدى مجاهدتك ومدى تضحيتك. ايه يا عم ده انت جبت الدين كله وقلت لي خمسة في المية. اومال الخمسة وتسعين باقيين متوقفين على ايه؟ على انك هتحط نفسك في المكان الصح ولا أ - 00:09:08  
ما في يقول لك اعمل الصح. هو عمل الصح ازاي؟ اذا كنت انا في المكان الغلط. هعمل الصح ازاي يبقى اهم من انك تعتملي الصح. انك تحططي نفسك في المكان الصح. النبي عليه الصلاة والسلام مع الجيش. وهم راجعين من غزوة خيبر ناموا. يعني عين - 00:09:24  
ان آآ بالاً مسئول تصحية الفجر. سيدنا بالاً نام هو كمان سند ضهره كده على الدابة وقام نايم. اول واحد صحي الساعة سبعة تمانية الصبح كده النبي عليه الصلاة والسلام. اول حاجة عملها قبل ما يصلى هاتوا لي بالاً. صحي الجيش وهاتوا لي بالاً. انت ازاي تضيع صلاة الفجر على الجيش كله؟ فقال - 00:09:40

اخذ يعني الذي اخذ يعني يا رسول الله. انا نمت زي ما انت نمت. ماشي ما انا نمت لانها مش مسؤولة تصحية. انت مسؤولة التصحية. بس النبي عليه الصلاة والسلام خلاص يعني ايه خلونا - 00:10:00  
عملياً. وبعد كده نبقى نشوف بقى لو حد هيتحاسب او كده. النبي عليه الصلاة والسلام اول خطوة عملها طبعاً طبعاً. اول حاجة اتوا بسرعة صلي الصبح بسرعة صح غلط غلط طبعاً - 00:10:10

اول خطوة عملها. تحول الجيش كله يقوم. ويعلم خيامه ويعلم هدومه. ويركب البعير بتاع وننتقل من هزا المكان تحولوا عن مكانكم الذي اصابتكم فيه الغفلة. مش هنصللي الصبح نقرأ احنا مش ثلاثة اصحاب مع بعض اه اه عما نتحرك فيها احنا جيش عمال ما نقوم ونحط عزانا - 00:10:27

لم خيامنا وننزل ونتحرك بالبعير بتاعتنا ده احنا عمرة بننزل آآ بننزل بنزيينة بنقعد ساعتين ونص. يا رسول الله اه ده جيش يا رسول الله. يعني ممكن اصلاً الضهر يدين هلاقينا واحدنا ما لحقناش نصللي الصبح - 00:10:57  
الحناش يصللي تحوال ما حدش هيصللي الصبح هنا. ليه؟ تحولوا عن مكانكم الذي اصابتكم فيه الغفلة. مش في مكان اصابتنا الغفلة فيه. انت الصحبة اللي انت جاية من معها دي - 00:11:14

انت كنت مجتهدة في الدين معها؟ اصحابك اللي انت كنت حواليك وبتقابلهم وبتضحك معهم وبتنقعد تلات ساعات على السوشیال ميديا والواتس والانستا معهم. انت كنت منطلق في الدعوة معهم انت كنت بتحفظ قرآن معهم - 00:11:31  
يا ابني لو الناس دي مرجعاك ورا آآ فوق والحق حياتك. اعمل حروب استرداد لحياتك. اوعى تكون قاعد في مكان دينك قاعد يقع فيه. وانت وانا اعمل ايه وانا اعمل ايه دي نهايتها سودا. قال الله عز وجل ان الذين توفاهم الملائكة ظالمي انفسهم. زلم نفسه بایه؟

انه ما رضاش يهاجر - 00:11:46

في بيت الامام انه قعد في مكة وهو مسلم هو مسلم قاعد في مكة وما هاجر لبيت الایمان عشان المصالح اللي وراه وال حاجات اللي وراه. ان فربنا بيصور منزه موت - 00:12:06

الراجل ده منزه موت السنت دي اللي ما رضاش يهاجر لبيت الایمان وصحبة الهمة وقعد في مكة. ان الذين توفاهم الملائكة قالوا فيما كنتم ايه اللي انت فيه ده ايه اللي انت كنت مقعد نفسك فيه ده! قالوا كنا مستضعفين في الارض. وانا كنت هاجر ازاي ؟ قالوا الم تكن ارض الله واسعة فتهاجرروا فيها؟ فاولئك - 00:12:17

فاولئك الصدمة بقى مأواهم جهنم فاولئك مأواهم جهنم. يا رب ده ده راجل مسلم يا رب ما رضاش يروح بيت الامام. ضيع دينه ضيع دينه. انت فكرة ان آآ المواجهة الفردية ليست حلا. يعني ان انا انا هفضل في الواقع اللي انا كنت جاي منه يا حبيبي كان - 00:12:41

ازيك يا اشطر يا بنتي ما انتيش سلمان الفارسي ما تعيشيش في الوهم يا اخوانا اللي مش هيحط نفسه في بيئه اليقظه. والله العزيزم لو انت مين ؟ هو فيه واحد هياخد خمس حبایات مهدی ويقول لك لا ده انا جدع اوی - 00:13:06  
جدع اوی انا هبلیع شریط المنوم بس والله ما انا نایم والله يا حبیبی کان غیرک اشطر انت قاعد في بيئه تحدیر کل اللي حوالیک بتوع دنیا. کل اللي حوالیک بیفکروا في الدنیا. کل اللي حوالیک بیشدوک في الدنیا. ودی انا هافضل مصحح يا حبیبی انت مش سلمان - 00:13:21

وسلمان الفارسي ساب بلده وفضل يلف في الارض لحد ما قابل النبي عليه الصلاة والسلام المواجهة الفردية ليست حلا. يعني المواجهة مش حل لأننا قال والذين جاهدوا فينا لنهدینهم سبلنا. بس ربنا کلم ناس كانوا موجودين في دار الارقم. کلم - 00:13:36  
الناس كانوا حاطين ايدهم في ايد بعض حوالين النبي عليه الصلاة والسلام. کلم ناس كانت موجودة في بيت يقظة. هو ده اللي انا هاقوله لكم في الاخر. فما تفتکرش انك هتبقى بطل - 00:13:53

لوحدك ما فيش حد وطن لوحده الوحد اللي كانوا ابطال لوحدهم هم الانبياء قبل البعثة. اما النبي كان بيروح غار حراء قبل البعثة عشان كده ربنا اصطفاهم على البشرية كلها. لانه كان قادر بقى بطل - 00:14:03

لوحده ما فيش حد غير الانبياء يقدر بقى بطل لوحده. مش هتنجح. مش هتقدر. حط نفسك في المكان الصح. تعمل الصح مش تقعده تقول انا ما بعملش الصح ليه؟ ما هو لأنك انت ما انتاش مصاحب ناس بتعمل الصح. تحول عن مكانك الذي اصابتك فيه الغفلة. النقطة الرابعة العمارة بداية وليس - 00:14:14

يعني ايه العمارة بداية وليس نهاية؟ فيه ناس هنا ممكن تسأل هو هو احنا كده اتربيينا بقى ما دي عمر التربية اهي عشر تيام اهو انت ربنا يا حببي ما فيش حاجة اسمها - 00:14:34

عشر تيام تربية يا ابني ده ربنا سبحانه وتعالي ربنا سبحانه وتعالي في اول سورة الحجرات اخر سورة الفتح ربنا اتكلم عن بشري التوراة والانجيل بالصحابة بابو بكر وعمر التوراة الجيل ما بشروش بالنبي بس عليه الصلاة والسلام. ربنا قال محمد رسول الله والذين معه. بعد كده قال ذلك مسلهم في التوراة ومثلهم في - 00:14:44

مسل ابو بكر وعمر والصحابة. ومثلهم في الانجيل. ربنا بيقول للصحابه انتم تبشر بكم في الجفل. في الكتب السابقة. يعني مقام رهيب. ده دين الفتح. اول سورة الحجرات ايه بقى - 00:15:05

ان تحبط اعمالكم لا ترفعوا اصواتكم فوق صوت النبي. ولا تجهروا له بالقول كجهر بعضكم البعض. ان تحبط اعمالكم وانتم تشعرون الاستبدال بيجي من غير ما تحس انت من غير ما تحس بنتلاقي نفسك بقیت برة. بقیت مستبدل. ما عدتش في جو التدين. فخذ بالك من دي. لأن الشيطان بيضيعك من غير ما تحس انك انت ضايع - 00:15:18

ومن غير ما تحس ان انت دينك راح. فربنا بيكلم ابو بكر وعمر لما رفعوا صوتهم على النبي وفي وجود النبي عليه الصلاة والسلام قبل موت النبي الایة دي نازلة قبل موت النبي بحوالی تسع شهور - 00:15:41

قبل ابو بكر وعمر اللي انتقال في الاية دي فيهم كان الخيران ان يهلكا. ربنا هددهم بحبوط عملهم. بسبب حاجة مش صح قدام النبي عليه الصلاة والسلام. دول اللي بعد تسع شهور هيبيقوا خلفاء العالم - 00:15:54

يا رب هم لسة ما خلصوش تربية! لـ لسة ما خلصوش تربية. التربية دي هفضل معك لآخر لحظة في عمرك. انت هفضلني تتبني وتتربي لآخر لحظة في حياتك او عى تفتكر ان التربية دي حاجة لعبه كده ولا حاجة سهلة كده يا جماعة العمرة بداية. احنا وزيفة عمارة التربية او عمارة عودة الروح ان هي - 00:16:08

تحطنا على الطريق السليم يعني احنا تصحيح مسار سورة تصحيح في حياتنا وقف التصحيح في حياتنا ان احنا بنرجع بمفاهيم النجاح في الدين بعد ما هنرجع بقى اللي هيطبق هو ده اللي هيتربي. اللي مش هيطبق هو ده اللي عاش يومين حلوين. وشم هو جميل جنب الحرم. وفي النهاية - 00:16:29

خلاص هي مفاهيم وما اطبقتتش. انا عرفت اسرار التجارة ولكن انا ما عنديش عزيمة. اني انزل واشتغل وتأجر واصدر واستورد بهدلة. خلاص يعني ولكل درجات مما عملوا. ربنا قال كده. اهل الجنة درجات واهل النار درجات - 00:16:50

هو ربنا الرسول عليه الصلاة والسلام بيقول ان الله اعد للمجاهدين مائة درجة عارف يعني ايه يعني ميت واحد دخلوا نفس الغزوة كل واحد فيه باف درجة غير الثاني الفرق ما بين الدرجة والدرجة زي الفرق بين السما والارض - 00:17:08

ده معناه ان الفروقات عند ربنا دقيقه او في الاخرة ان العمرة دي كلها كده قاعدة وكله جميـل وكله اعتـمر وكله قال ليـك بـس الفارق ما بين الناس وبعـضها عند ربنا زي الفرق - 00:17:25

السما والارض الفرق حسب الخشوع حسب اتباع السنة حسب الاجتهاد حسب النية الصادقة في التغيير بعدها. احنا عايـزين شغل كـثير او في علينا يا جمـاعة اـحـنا فيـنا حاجـات كـثير او في لـسـة عـايـزة تـتـغـيـر. المـوضـوع مش مجرد منـسـوب ايـمان في القـلـب عـايـز يـزيد - 00:17:40

انت شخصـيـتك عـايـزة تـتـغـيـر. طـرـيقـة تـفـكـيرـك فيـ الحـيـاة عـايـزة تـتـغـيـر. انـضـاطـك وجـديـتك عـايـزة تـتـغـيـر. اـهـدـافـك وـتـضـحـيـتك عـشـانـها عـايـزة تـتـغـيـر نـفـسيـتك وـنـفـسـنةـكـ الليـ عنـدـكـ والـانـسـانـ الليـ عنـدـكـ والـشـدـةـ النـفـسـيـةـ الليـ عنـدـكـ عـايـزة تـتـغـيـر. منـسـوبـ ايـمانـ فيـ قـلـبـناـ يا جـمـاعـةـ اـحـناـ اـحـناـ 00:17:56

احـناـ فيـ شـغـلـ كـثـيرـ مـطـلـوبـ انـ اـحـناـ نـشـتـغـلـهـ. فـاوـعـيـ تـفـتـكـرـ انـ عـشـرـ تـيـامـ خـلـصـواـ المـوـضـوعـ. اـمـالـ عـشـرـ تـيـامـ عـمـلـواـ ايـهـ؟ـ حـطـونـاـ عـلـىـ الطـرـيقـ مـيـنـ هـيـكـمـلـ وـمـيـنـ مشـ هـيـكـمـلـ؟ـ فـالـعـمـرـةـ بـدـاـيـةـ وـليـسـتـ نـهـاـيـةـ. طـبـ دـيـ اـرـبعـ قـوـاعـدـ. الـارـبـعـةـ الليـ بـعـدـ كـدـهـ اـسـمـهـمـ اـبـحـسـ - 00:18:16

القاعدة الخامـسـةـ اـبـحـسـ عـنـ صـحـبـةـ الـهـمـةـ. ماـ هوـ بـصـوـاـ الـارـبعـ قـوـاعـدـ الـجـaiـبـينـ دـوـلـ مـسـتـقـبـلـكـ. وـبـعـدـ كـدـهـ اوـلـ ماـ هـنـخـلـصـهـمـ هـنـرـجـعـ لـلـكـلامـ القـدـيمـ سـاعـتهاـ يـبـقـيـ لـهـ قـيـمةـ بـقـىـ. اـبـحـسـ عـنـ صـحـبـةـ الـهـمـةـ - 00:18:32

ابـحـسـ عـنـ التـرـبـيـةـ الـمـنـهـجـيـةـ اـبـحـسـ عـنـ آـآـ اـبـحـسـ عـنـ الـاحـتـكـاكـاتـ الـعـزـيمـةـ اـبـحـسـ عـنـ شـرـكـاءـ النـجـاةـ الـارـبعـ كـلـمـاتـ دـوـلـ كـلـ وـاـحـدـ مـنـنـاـ عـلـىـ قـدـ ماـ مـشـ هـيـدـورـ عـلـيـهـمـ يـعـنـيـ الـواـحـدـ قـدـ يـفـكـرـ هوـ الـواـحـدـ يـعـنـيـ فـضـلـ وـمـنـةـ اللـهـ فـيـهـ خـطـوـاتـ حـلـوـاتـ حـصـلـتـ فـيـ حـيـاةـ الـواـحـدـ هـوـ ايـهـ السـبـبـ هوـ السـبـبـ انـ الـواـحـدـ كانـ آـآـ عـايـزـ يـضـحـيـ مـسـلاـ وـلـاـ سـبـبـ زـيـادـةـ ايـمانـ وـلـاـ هـيـ ايـهـ السـبـبـ؟ـ لـقـيـتـ انـ اـكـتـرـ سـبـبـ ربـناـ غـيرـ حـيـاةـ الـواـحـدـ بـهـ بـالـنـسـبةـ لـيـ اـنـاـ - 00:18:47

على قـدـ ماـ مـشـ هـيـدـورـ عـلـيـهـمـ يـعـنـيـ الـواـحـدـ قـدـ يـفـكـرـ هوـ الـواـحـدـ يـعـنـيـ فـضـلـ وـمـنـةـ اللـهـ فـيـهـ خـطـوـاتـ حـلـوـاتـ حـصـلـتـ فـيـ حـيـاةـ الـواـحـدـ هـوـ ايـهـ السـبـبـ هوـ السـبـبـ انـ الـواـحـدـ كانـ آـآـ عـايـزـ يـضـحـيـ مـسـلاـ وـلـاـ سـبـبـ زـيـادـةـ ايـمانـ وـلـاـ هـيـ ايـهـ السـبـبـ؟ـ لـقـيـتـ انـ اـكـتـرـ سـبـبـ ربـناـ غـيرـ حـيـاةـ الـواـحـدـ بـهـ بـالـنـسـبةـ لـيـ اـنـاـ 00:19:03

الـاحـتـكـاكـاتـ انـ اـنـاـ اـحـتـكـيـتـ بـنـاسـ عـظـيمـةـ فـيـ حـيـاتـيـ كـثـيرـ. انـماـ ماـ كـنـتـشـ باـسـمـعـ عـنـ حدـ نـاجـحـ الاـ وـارـوحـ لـهـ. وـاـشـوفـ بـيـقـولـ ايـهـ. وـاـشـوفـ ايـهـ اللـيـ عـنـدـهـ. وـاـسـمـعـ مـنـهـ. وـالـتـلـمـسـ عـلـىـ ايـديـهـ - 00:19:21

واـخـدـ مـنـهـ وـلـمـ اـحـسـ انـ اـنـاـ خـدـتـ فـايـدـةـ مـنـهـ اـرـوحـ بـقـىـ لـحدـ غـيرـهـ. عـشـانـ اـكـمـلـ فـايـدـةـ الـاحـتـكـاكـاتـ. فـالـارـبعـ قـوـاعـدـ دـوـلـ مـسـتـقـبـلـ كـلـ وـاـحـدـ فـيـ المـكـانـ دـاـهـوـ مـتـوقـفـ بـازـنـ اللـهـ بـعـدـ فـتـحـ اللـهـ وـمـددـ اللـهـ. وـاـصـطـفـاءـ اللـهـ عـلـىـ الـارـبعـ قـوـاعـدـ دـوـلـ. الـقـاعـدةـ الـاـولـىـ فـيـهـمـ اـبـحـسـ عـنـ صـحـبـةـ الـهـمـةـ. فـيـ 00:19:33

صحبة هم مشترك، يعني ايه؟ يعني ناس شايلة هم انها تبقى كويسة، ولكن هم بلا همة. هم بلا هم. الله لا يعبد بالهم، الله يعبد بالهمة، الله يعبد بالعمل - 00:19:53

يا عبادي انما هي اعمالكم. اللي بيبني وبينك الشغل. فانت لما تصاحبى واحدة قاعدة تتكلم عن الدين. ده انا سمعت النهاردة مقطوع جميل. ده انا سمعت درس خطير ده انا عايزين نطلع من الدايرة دي بقى - 00:20:03

احنا عايزين صحبة ان تقوموا لله مثني. ان تقوموا لله مثني. ما لقيتيش خلاص يبقى فرادي. عايزين صحبة الهمة اللي هي يلا نحفر القرآن ده فيه تحفيز حلو جدا. يلا نروححضر درس لفلان او نروح للشيخ فلان آآ ده فيه حاجة جميلة جدا. بالباقي بعض المربين واحد الورشة بتاعته يلا نطلع - 00:20:18

خبرة تانية. يلا ننزل نطوف. يلا نعمل فطار ونعمل تعارف بینا وقعدت تفتح لي قلبك. يلا نروح آآ نصلي ونعتكف الليلة دي في الحرم فيه ناس جد يا جماعة. صاحبه الناس الجد. ما تصاحبواش الحقيقة - 00:20:38

ما تصاحبواش الناس اللي قاعدة تستنزف الاعمار في الفاضي. صاحبه الناس اللي عارفة مصلحتها وفايقه. يفوقوكوا معهم، يبقى ابحس عن صحبة الهمة. الاقبها فين زي ما الدكتور محمد جلال قال. هتلaci البيسبوسة فين يعني مش بالتأكيد مش في الصيدلية. عمرة زي دي هتخرج منها فاضي ازاي؟ هتخرج من المولد ده بلا حمص - 00:20:53

هتخرج من ايد ورا وايد قدام! طور اسأل مندوب المبيعات بيحيط على شقق وما بيتكسفش! ليه شغلي يا عم واكل عيشي! ده اكل عيشي دنيا وآخرة. ده رضا الله عنك دنيا وآخرة انك تتعرف. يا اخوانا انا اتعرفت على ناس في حياتي والله العزيم. والله العزيم في عشر دقائق - 00:21:13

انا اترفعت عشر سنين في عشر دقائق بس سمعت منهم كلمتين ايه ده! هو فيه كده هو فيه كده هو فيه رينا كده! هو فيه ناس بتحب رينا كده! يا اخوانا الصحبة الصالحة دي! صحبة الهمة دي نور كده رينا بينور لك حياتك بايه! حقة نور - 00:21:33  
بتتحققن في قلبك. دوروا على الناس المجتهد والناس الجادة. واصبروا نفسكم واصبر نفسك مع الذين يدعون ربهم. يعني ايه ليه مش اصبر؟ ليه لان نفسيا احيانا الموضوع لا يطاق. ممكن صحبة صاحبة الهمة اكتر واحدة عندها همة معك في العمارة. واحدة مش طريقة اصلا - 00:21:48

واحدة مش غنية واحدة مش آآ ما هياش فوتوجينيك كده ومش بت لزيزة كده وعارفة تنقي ممكن صاحب الهمة اللي عندك في العمرة واحد بسيط جدا وجاي من قرية كده وملامح القرايا وممكن ده احسن واحد اصلا يوصلك لرينا عشان كده اصلا نفسك - 00:22:07

او عى تمشي ورا نفسيتك في الصحوبية امش ورا مصلحتك في الصحوبية خليك بتاع مصلحتك. يقول لك في العيال دايما يقول لك الواد ده بتاع مصلحته سيبك منه يا اهل. ده بتاع مصلحتك وده اللي تصاحبه. بس بتاع مصلحته دنيا وآخرة. مش بتاع مصلحته - 00:22:28

الدنيا بقت مش الاناني. مش البرجمات الاناني لأ بتاع مصلحته دنيا وآخرة ده يفوقك معه. ابحس عن صحبة الهمة. احرض على ما ينفعك احرض على ما ينفعك كلمة النبي عليه الصلاة والسلام يعني ايه احرض على ما ينفعك؟ يعني خليك بتاع مصلحتك. الله! هو الاسلام بيقول خليك بتاع مصلحتك؟ ايوة يا حبيبي. خليك بتاع مصلحتك مفهوم الدنيا والآخرة - 00:22:45  
اه اه اللي بعد كده القاعدة السادسة ابحس عن التربية المنهجية. يعني ايه ابحس عن التربية المنهجية؟ احنا بفضل الله عاملين معاهد على النت كتير ازن خير. حد هنا في ازن خير - 00:23:04

بعد السيرة النبوية حد هنا في معهد السيرة النبوية. الدورات القرآنية دورة المائدة وحد هنا دخل دورات قرآنية. مبادرة سبح تفرح. مبادرة استغفر تفرج مبادرة آآ في اربعين باقين. دورة ختم التعارف بتاعة رمضان. آآ تمام. فضل ومنة الله سبحانه وتعالى. يا جماعة اللي في الدنيا ما بيأخذش شهادات - 00:23:15

ما لوش وزن في الدنيا كذلك في الدين اللي مش هيأخذ شهادات ما لوش وزن في الدين الدين زي الدنيا يا اخواننا هي نفس القواعد

عايز تتعلم. اوعى تفتك ان انت احنا قصتنا والله العزيم يا اخوانا ده من اخطر المفاهيم المسممة اللي وصلت لنا - 00:23:35  
ان احنا كل مشكلتنا ضعف ايمان. مين اللي قال الكلام ده ؟ احنا فينا ناس ايمانها عالي، ولكن الايمان وحده لا يكفي. والاخلاص وحده لا يكفي فيه ناس بسبب ضعف العقل وضعف الحكمة بتدخل جهنم والعياز بالله. الشغل الوحيد اللي ورفع منسوب الايمان في القلب ده. عايز مية ايمان مش اللي ناقصنا - 00:23:52

بس منسوب ايمان. احنا ناقصنا تربية شخصية. شخصياتنا عايزه تتغير شخصياتنا عايزه تبقى اجمل من كده. لو بتتحب الاسلام انت لازم تغير شخصيتك عشان الاسلام لو بتتحب الاسلام انت لازم تتجرد لله وتتعرف ان تسعين في المية من الناس اللي زعلانة منك بسبب طباعك الصعبة - 00:24:11

بس بسبب طباع شازة عندك اصلا. مش بسبب آآ ان هم ناس اغبيا ولا حاجة ولا ان هم ناس ما بيقدروش المشاعر والعواطف. والحب واللي في قلبي وفي الآخر تروح تقدر - 00:24:31

بقى مع حمزة نمر اه كل الناس سابوك وكل الناس فاتوك يا ابني ما هو بالتأكيد انت كنت هتضيعهم فسابوك. ما هو ما هو انت عايزهم يقعدوا يفشلوا - 00:24:41

جنبك ليه ما هو ما تسيب الناس يا عم شف مصلحتها وتطلع لقدم. يا تطلع قدام مع الناس! يا سيد الناس في حالها! بدل ما تقدر تائب لها ضميرها في النهاية - 00:24:51

آآ احرص على التربية المنهجية. احرص انك انت لو لقيت معهد ديني. لو لقيت معهد تربوي على النت او في مسجد جنبك او في مكان جنبك. لو الدورة دورة في تغيير الشخصية. دورة في تغيير النفسية. دورة في التربية النفسية. دورة في التربية العقلية. طور نفسك. طور نفسي ليه؟ عشان ربنا. عشان - 00:25:01

الاسلام. عشان انت كل ما هتتطورى وانت انسانة متدينة. انت هتقنعي الناس اكتر بالتدین كل ما هتبقي شخصيتك يا جماعة والله انا دورت في ائمة كثير في تاريخ الاسلام. الائمة اللي غيروا العالم - 00:25:22

ما كانش ميزيتهم الوحيدة زيادة علم ابدا كانوا رجاله. كان عندهم تحمل مسئولية. كانوا شخصيات اجتماعية نجوم. نجوم شخصية جميلة النبي عليه الصلاة والسلام من كتر جمال شخصيته ربنا بيقول يكادوا يكونون عليه لما يعني ايه لما ده اول ما كان المشركون بي Shawwafوا النبي - 00:25:35

كانوا بيركبوا فوق بعض عايزين يسمعوه يشوفوه ليه ؟ نجم. انت فاكرين ربنا جاب اي واحد كده آآ آلان ايمانه حلو وقلبه حلو وخلانا النبي ده كان نجم يا اخواننا. النبي ده قبل البعسة كان عامل مشاريع خيرية عالمية. انك لتحمل الكل وتكتب المعدوم بيعمل مشاريع لتوزيف - 00:25:57

انا مش بيدي فلوس للاسر الفقيرة ويمشي. زي معزم الجامعات الخارمة بيعمل راجل آآ تاجر كبير. ربنا بيقول له يا ايها المدرس. المدرس ده الدسور الاغنيا. النبي كان غني جدا - 00:26:17

يقول لك هو النبي كانت السيدة خديجة بتصرف عليه. تصرف على مين يا ابني؟ النبي ضاعف رأس مال شركة السيدة خديجة في اول سنة مسك لها الشركة بتاعتتها. النبي كان شريك - 00:26:31

مرفوع شريك في الريح. مش شريك في اصل راس المال للشركة. شخصية مجتمعية كان بيدخل حلف الفضول. النبي عليه الصلاة والسلام كان بيشارك في احداث المجتمع بتاعتته عليه الصلاة والسلام انت مين انت شاركت ايه في المجتمع - 00:26:41  
انت عملت ايه في كليتك؟ انت جارك اللي جنبك يعني مش انت. انت حلو انما انا انا ممكن يكون جاري اللي جنبي مش عارفني. يا جماعة عايزين نفوق والله العزيم - 00:26:57

عايزين نفوق والله عايزين نفوق ونفهم ان تسعين في المية من سبب عدم اقتناع المجتمع بكلامنا عن التدين. مش التدين احنا ان المجتمع بيبيص لشخصياتنا ويبيص لتصرفاتنا ويبيص للميوعة اللي عندنا في النجاح في في الدين والموازنة بين الدين والدنيا مجتمع اصلا بيحس ان انا - 00:27:08

لا يمكن امشي وراه. كم شرك ازاي ما انا مجنون! ولا عمري بعزمها! امشي وراك ازاي! انا مش مقتنع انك تمسل الاسلام اصلا انا قناعتي  
كراجل عمي ان الاسلام اعزم من اللي انت من اللي انت فيه ده - 00:27:29

وان الاسلام اكبر من كده عايزين نبقى على قد دينا عايزين نبقى سفراء للسلام. اللي يشوف شخصيتك ويشفو رقي تعاملك ويشفو  
اخلاقك. ويشفو عقليتك ونجاحك في الحياة. ويشفو مبدأه ومرجلك وجديتك. وتوازنك وادارتك لوقتك. ويشفو تحملك  
لمسؤوليتك جوة بيتك وفي دعوتك. يقول بس هي دي المسلمة - 00:27:41

هو ده انا عايز ابقى كده انا اللي يشوفك وانت قاعد مع اصحابك قاعدين تضحكوا في حياة اجتماعية وفي اخوة عملية وتروحوا  
تطبقو علم وتعلموا اعمال خيرية وتطلعوا لغيرية وناجحين في دراستكم ورجالة مع امكم وابوكم. يقول لك ايوها يا عم هو ده  
الدين يا عم. ايوه هو ده الدين. انما احنا يا عيني احنا احنا غلابة والله - 00:28:06

يا جماعة احنا متهيأ لنا ان الناس راضينا لا ايه راضين التدين عشان الناس وحشة لأ يا حبيبي الناس رافضة التدين عشان احنا احنا  
المشكلة الحقيقية اللي الناس صرفت دماغي عشانها - 00:28:28

فلما اقول لك احرص على التربية المنهجية ايوه انت عايز تتبني. هتجيب منين هو سيدنا جبريل هيأزن لك كل يوم يوحى لك اتعلم  
وابتبني واطلب علم وادخل معهد تربوية ومنهجية. النقطة السابعة ابحس عن شركاء - 00:28:41

النجاح. فيه ناس منكم سألتنى انا عايز اعمل مشاريع في الدعوة ومشاريع آآتأمين يديني خبرة قبل ما حد ما تقول حد يديه خبرة!  
انت مين اوعوا تشتلوا بطريقة فرض ابدا لو انت عايزه تعمل حاجة في الدعوة في بلدكم او على النت او انت عايز تعمل حاجة  
للدعوة اووعى تشتلل كفرض. خلاص الدماغ دي عايزين عايزين - 00:28:56

اتخلص منها والله يا اخوانا. الدماغ الفردية دماغ الوان شو دي؟ حبيبي يخليك روح فريق. حط ايدك في ايد ناس. ما هو الراجل  
دايميا حط ايده في ايده. والراجل ده اهو حاطط ايده في ايده. ولما بنقدر ناخذ قرار في اي - 00:29:17

حاجة ما انا باقص من دماغي سبعين في المية. ما هو كده رح الفريق كده. مش هتمشي في دماغي. لا اصل انا عاجبني دماغي. يا  
حبيبي دماغك ما هو ما هي دماغك يعني يعني حاجات كتير - 00:29:30

كتير قوي في حياتك بسبب دماغك اصلا. ما تسقش في دماغك زيادة عن اللزوم. والله دماغك ما هي حلوة عن غيرك انا زمان كان  
عاجبني دماغي جدا واما اقعد بقى اقول روح فريق. كانت الكلمة دي ما هي الا مصيدة. انا عايز بس ايه اقول الكلام الحلو. عشان في  
الآخر يمشي ورا دماغي. ويسمعوا دماغي - 00:29:40

فلما ايوه فلما بدأت اشوف دماغ غيري واتجرأ واسيب لغيري والله العزيم انا بقىت مكسوف من نفسي انا بقىت شايف كل اللي  
حواليك احسن مني. واسكة مني وبيفهموا اكتر مني - 00:29:56

اووعى تعيش في دوران انت آآ ان انت ازكي الناس او انت فهمت بقى بصرت بما لم يبصروا به. دي كلمة ابليسية ودت واحد جهنم  
ميين قال لك ان انت فاهم ان الناس مش فاهمها؟ كل الناس شاطرة. وكل الناس بتفهم. حط ايدك في ايد الناس. ولو كل واحد مننا  
قص عشرين في المية من دماغه. وعشرين في المية من تصوراته عن - 00:30:11

اللي هو عايز يعمله هنعرف نعيش مع بعض وهنسعد بعض وربنا هيجبنا بعض ابحس عن شركاء النجاح. اووعى تعيishi في اي  
مشروع في الدعوة في اي حاجة عايز تعملها للدين. وانا بقول الكلام ده. لأن المفترض انت مسلم ازا انت - 00:30:29

لازم لكم تفكروا في الدعوة ولما تقابلني بنت كاشفة شعرها زي ما بتكلميهما على الحجاب كلميهما على الدعوة ولما تقابل مسلم ما  
بيصليش زي ما بتكلمه عن الصلاة يكلمه عن الدعوة. يا اخوانا فيه صحابة ماتوا في الجهاد ولم يسجدوا لله سجدة واحدة -  
00:30:46

يا اخوانا خلوا الناس تدخل. خلوا الناس تشفوف الدين وجماله من جوة خلوا الناس يعني مش عايزين نقفش مش عايزين الدنيا  
واسعة اووي من جوة. واللي هيدخل وهيدوق جمال الدعوة هي عمل ما لم نكن نتخيله. ابحس عن شركاء النجاح - 00:31:05  
لما تيجوا تعملوا حاجة للدين دوروا على الناس الناجحة. طب الناس الناجحة تمنها غالى انت حر انا بقابل ناس والله العزيم كوارس.

كوارس عاملين شغل في الدعوة عالمي اسئلته سؤال اقول له انت لو مت بكرة - 00:31:20

مین اللي هيكم ولراك ؟ انت كل اللي انت هتعمله هيموت بموتك مين شركائك ؟ قام انا معندي موزفين. يا ابني دول موزفين. يا ابني  
مین شركاءك ؟ مش مین منفزي سياسات حضرتك ودماغ حضرتك مقابل - 00:31:35

المرتب مین الشركاء اللي في حياتك ؟ اللي لو انت مت على ابو سفيان وقف تحت اقعد قال افيكم ابو بكر افيكم عمر ليه ؟ عارف ان  
دول على جنتهم الاسلام يقع. عارف ان دول بيتعاملوا بعاطفة حقيقة تجاه الدين. النقطة التامة ابحس عن الاحتاكات العظيمة.

يعني ايه الاحتاكات العزيمة ؟ يعني - 00:31:50

ربنا زكر سمرة الاحتاكات في كذا اية في القرآن. ايه الفرق بين صحبة الهمة وبين لا الاحتاكات مش كده يعني مسلا آآ انا زمان مسلا  
لما رحت للمربي الفلانى او الشیخ لما رحت قابلت الشیخ محمد يعقوب وانا طالب في الكلية. انا من حياتي - 00:32:10

انا لما احتكست بفلان او الشیخ امين الانصاری وانا طالب في قلب حياتي في واحد مش هیبقى صاحبك مش هیبقى صاحبك ولكن  
انت لو عرفت تقدعد معه نص ساعة ممكن يقلب لك تفكيرك ويوصل لك افقك في الحياة. فيه ناس ناجحة اوی - 00:32:24

وناس رائدة في الحياة اوی. دور على الناس دي واحتكت بها. الله سبحانه وتعالى يقول محمد رسول الله. والذين معه. شف اول بقى ما  
حصل اه دي اول ما بقوا معه اول ما احتكوا به حصل ايه ؟ اشداءه على الكفار. رحمة بينهم. تراهم ركعا سجدا - 00:32:41

يتغدون فضلا من ربهم ورضوانا. سيماهم في وجوههم من اثر السجود. وايه ده هو ايه اللي عشان والذين معه ؟ لانهم احتكوا بحد  
عظيم كل ما تحتها هو ربنا لما قال لنساء النبي لستن واحد من النساء. المفسرين قالوا ربنا قال ان نساء النبي اعظم نساء الامة مش  
لائهم اتجوزوا اعزم شخصية في الامة - 00:33:01

لأنهم احتكوا باعظم مربى وشفافوا خلواته وصلاته وقيامه ودعائه وبكافه فبقو اعزم نساء في الاحتاكات بترفع ابو الدرداء لما النبي  
عليه الصلاة والسلام دخل المدينة اسلم سلمان الفارسي الاول وبعد شوية اسلم ابو الدرداء. فسلمان سابق عن ابو سلمان الفارسي ده  
قصة تاريخية. يعني سلمان ما - 00:33:22

جاي بادى من الصفر. ده سلمان ده كان بقى له سنين عمره بيدور على الحق في الارض فانسان عنده علوم اهل الكتاب اصلا. فسلمان  
الفارسي ده شيخ ده واحد داخل شیخ - 00:33:45

ودخل اسلم مع النبي عليه الصلاة والسلام وبعد شوية جاب الدرداء. فالنبي عليه الصلاة والسلام اخر بين الاثنين ابو الدرداء كان  
واحد داخل الدين زي اي شاب متحمس آآ حماس رهيب اول ما دخل وببدأ يعبد وببدأ يقوم الليل وببدأ سخن جدا عارف - 00:33:57  
شاب ليه يسمع دروس بقى ويولع بقى ويبيقى جواه حرية اول قرار خده هفضل المحل بتاعي. قام رايح قفل التجارة بتاعتته ساتفرغ  
ل العبادة تاني قرار خده عدش لي دعوة بمراتي. انا الليل ده كله لله عشان ارجع بقى وتقول لي نقدر مع بعض ونتكلم مع بعض. بس  
خلاص يوك - 00:34:13

اتقفلت وساب الدنيا كلها وقدد يصلي ليل نهار. وتفرغ لعبادة الله. سيدنا سلمان الفارسي شوفوا قيمة الاحتاك بقى سلمان الفريزر ده  
عالم. عالم كبير جدا وابو الدرداء حد لسه داخل وايه ومتتحمس وساب الدنيا وساب الدراسة - 00:34:33

او ساب وظيفته وساب الجواز وساب كل حاجة بقى وانا هتفرغ لعبادة الله. سبحانه وتعالى. طبعا النموذج ده سيدنا سلمان قعد يعلم  
ابو الدرداء. فضل معه العشر سنين بتوع المدينة - 00:34:53

وبعد كده فضل معه سنين بعد النبي عليه الصلاة والسلام. قبل ما يعني بعد ما النبي مات بسنين ومعاذ ابن جبل حاول حامل العلم  
يوم القيمة وهو بيموت. فواحد من تلاميذه معاذ ابن جبل بيعيط - 00:35:06

بيقول له ابكي على العلم الذي كنت اخذه منك. انت كنت اعلم اهل الارض. هجيب منين العلم ده تاني هجيب منين المعلومات دي ؟ دا  
مش الالباني بيموت واحد بيعيط على علمه ولا ابن بازه الله يرحمهم بيموتوا وواحد بيعيط عليه دا معاذ ابن جبل حاول لوايل علم  
يوم القيمة بيموت - 00:35:21

فبيبكي قال له اذا انا مت فاطلب العلم من اربع. رح لاربعة سلمان الفارسي وابو عويمر اللي هو مين ؟ مين ؟ ابو الدرداء وصل بسبب

الاحتکاك انه بقى من اعلى اربعة على وجه الارض. بعد ما كان في الاول واحد متحمس جدا ساب الدنيا ساب مراته ساب -

00:35:37

ساب دراسته ساب حياته ساب كل حاجة.انا اقعد اصلي واصوم بس اللي هو النموذج اللي ناس كتير في المجتمع اصلا يعني ممكن تخاف من التدين لما بتشفو حد من نموذج -

ده بسبب احتکاكات العزيمة. فين بقى سلمان الفارسي في حياتك؟ فين الشخصيات العزيمة في حياتك؟ الرابع قواعد اللي هم من خمسة لحد التمانية دول ابحس عن صحبة الهمة. موجودة هنا اهو. رح دور عليها في اماكنها يا ابني لما تدخل آآ مشاريع آآ -

وتربية وامراض جماعية هتلacci الصحبة دي. هتلacci الناس دي فما تضيعش الفرصة. ابحس عن صحبة الهمة. ابحس عن التربية المنهجية. كمل تربیتك كمل تربیتك عشان ربنا يعني يعني ربنا يرفع الاسلام في الارض على ايديك -

آآ غير شخصيتك عشان ربنا غير شخصيتك عشان ربنا غير اضطرابات الشخصية اللي عندك عشان ربنا غيري القمح والنفسنة اللي عندك عشان ربنا اه اه غير طريقة تعاملك مع الناس عشان ربنا -

اللي انت بتتحببها اوكي وكل يوم تقعد تلات ساعات تكلمك عن جوزها اللي تابعها وابنها اللي متbehدة ومدمدة لك حياتك. وعيالك بيصوتوا وكل ما اتصل بك وجوزك بيصوت كل ما يدخل يفرق. عشان ربنا حوليها لعلاقة هيأند باي. عشان ربنا خلاها خمس دقايق كل تلات تيام. تزعل ما تزعل معلش -

استردي حياتك تاني. بيقى عندك وقت تقري قرآن. عندك وقت تصاحبى ناس تنقلك لقدم احرص على اه صحبة الهمة احرص على التربية المنهجية. احرق ابحس عن شركاء النجاح. ابحس عن ايه؟ عن الاحتکاكات العزيمة. كده خلصنا تمانية -

لسة تلات قواعد بسيطة جدا. القاعدة التاسعة المجاهدة هي الحل اه ان شاء الله المجاهدة هي الحل. يعني ايه؟ كلهم موجودين؟ اه طبعا المجاهدة هي الحل. يعني ايه المجاهدة هي الحل؟ ما انت بدأت في الاول وقلت المجاهدة الفردية ليست حلا. اه ليست حلا لما كنت لوحدك. الوقتي بقى انت وسط صحبة صالحة اتعب -

بقي واجتهد. خلاص انت اتحططي في المكان الصح. اجتهدي وجاهدي وايقظي اللي حواليك خلاص انت جوة واقع حقيقي. انت انت مش عايش تحت كوبري وموهوم انك انت جوة حظيرة التدين والالتزام. انت انسان بقى وسط واقع نجاح. اجتهد بقى. القاعدة العاشرة -

كسرة السماع. الله! يعني انت في الاول قلت خليكم واقعيين والصحبة وبقية الواقع! ايوه هنا بقى هتبقى المجاهدة لها قيمة. هنا بقى هيبيقى السماع للدروس والمقطاع له قيمة. هنا بقى لما تتشنحن هتلacci واقع تفرغ الشحن فيه بشكل عمل. مش كل -

انا بسمع درس كل يوم جمعة على يوم الاثنين الشحن بيفضى يابني الكلام ده عيب يا جماعة شحن بيفضى واقوم اسمع درس عشان انت عامل زي واحد قاعد يحط المحمول في -

00:38:50

وبعد كده يسيبه يقوم يفضي شحن. البطارية بايزه. بعد كده يقوم حطه في الشاحن. يا ابني المحمول بيتشنحن عشان يستعمل مش بيتشنحن عشان بقى مشحون وخلاص. لحد ما الشحن يخلص. القاعدة آآ او النقطة بقى الاخيرة بعد العشر قواعد دول آآ آآ يعني ابقوا -

00:39:00

يعني ايه؟ آآ آآ عايزين بعد العمرة يفضل فيه علاقة ويفضل فيه تواصل ما بين افراد العمارة وما بين المرشدین التربويین. ما بين آآ آآ يعني نساء العمارة وما بين المربيات اللي موجودين في العمارة. آآ آآ خليك الواقع اللي انت كسبته هنا ما تخسروش. وبعد ما ربنا طلوك لقدم اما ترجعش ورا تاني. وبعد ما بقىت -

00:39:17

بيضة ما تشخبطش فيها تاني. واللي لقى شيك بمليون دولار ما بيكتبش على ضهره وطلبات البيت وبعد كده يكرمش الورقة. ويرميها في الزباله يبقى ضيع فرصة من فرص العمر انت ربنا وضعك في فرصة فعلا -

00:39:41

فيكم اللي هيقدر بيجي معنا عمارة تانية. فيكم اللي هيقدر بيجي اعتكاف معنا. فيكم اللي هيقدر يدخل معاهد من المعاهد اللي احنا

عاملينها. فيكم اللي هيقدر يتواصل مع المربيين والمربيات - 00:39:54

آآ بعد العمرة آآ اما ربنا يديك واقع آآ امسك فيه عض عليه آآ بالنواجز ان شاء الله بازن الله احنا هنعمل ايه الوقتي بقى؟ آآ انتم فاكرين القواعد يا جماعة - 00:40:04

ها رقم واحد وما وجدى لاكترهم من عهد. بلاش نبقى ناكسى عهود. رقم اتنين ايال ان تقع في فخ ماذا بعد العمرة؟ غير الواقع بتاعك ما ترجعش اللي قبل العمرة ده تانى. لو ما غيرتش واقعك هترجع اللي كنت فيه. رقم ثلاثة - 00:40:14

المجاهدة الفردية ليست حلا. اووعي تفتكرى انك لوحدك هتعرفي توصللي لربنا. ما فيش الكلام ده يا اخواننا. الاوائل على الجنة هم اللي كانوا صحبة وشلل. سبعون الف متماسكون ايدهم في ايدي بعض بيعملوا عرض استعراضي كده ايد واحدة على باب الجنة عشان يقولوا ان الناس كلها احنا وصلنا فردوس الاعلى لأن احنا كنا ايد واحدة - 00:40:34

ما كانش كل واحد مننا بيجرى لوحده. رقم اربعة العمرة بداية وليس نهاية. يا اخواننا احنا بدأنا نتحطط على الطريق. انما مش وصلنا ده الطريق فلبست سنين ده احنا قدامنا سنين من المشي بقى على القواعد اللي احنا بنقولها. الأربع قواعد اللي بعد كده الخططار ابحس عن - 00:40:56

صحبة الهمة هي موجودة اهي دور. ابحس عن التربية المنهجية. ابحس عن شركاء النجاح هو تشتفل فرض اشتغل فريق ابحس عن الاحتکاکات الاحتکاکات العزيمة كده تمانیة رقم تسعه المجاهدة هي الحل - 00:41:16

بعد بقى ما بقت في واقعة سليم يلا بقى ابذل مجھود وتميز وانطلقي بقى. رقم عشرة كسرة السماح. ابواة لانك انت هنا عارف هتفضي الشحن في ايه. انما انت قبل كده انت يا عيني قاعد تشنن وخلاص انت ما انتاش عارف هتفضي في ايه. والنقطة الاخيرة عايزين نفضل - 00:41:33

التواصل بالواقع اللي ربنا كرمنا به. واللي ربنا يعني عايزين الاسرة دي كده آآ يوم القيامة كده على حوض النبي عليه الصلاة والسلام نروح للنبي ايد واحدة عايزين نفضل كده عايزين نفضل اسرة كده حاجة جميلة كده. فيه تواصل بين النساء وبعض. فيه تواصل بين الرجال وبعض. ان شاء الله بازن الله. الوقتي هنعمل آآ هنقسم العمرة كلها الورش - 00:41:53

مش عايز اشوف واحد في القاعة ما فيش فرشة ولا عايز اشوف واحدة في القاعة ما هييش فرشة. آآ قد يعلم الله الذين يتسللون منكم ايه؟ لواء زخاء اللي عايزه تاخد تسلل هي حرة. يعني اللي عايز يهرب ويخلع ويَا عم احنا جينا حضرنا الدرس وخلاص. هو ينفع كده آآ بشمهندس - 00:42:13

بشمهندس احمد ينفع كده يا شيخ عادل؟ ما ينفعش يا جماعة بصوا اللي عايز يمشي هو حر انت الخسران والله. والله يا جماعة انا اللي بييجي علي بعد الدرس بالله يصعب علي - 00:42:31

والله العزيم بيصعب علي عارفين ليه؟ لأن انا ضاع مني سنين في حياتي بسبب ان انا كنت متأنسر بالشيخ فلان والشيخ فلان. وكان قدامي ناس اصغر منهم بكثير - 00:42:43

كان ممكن ينقلوا لي حته تانية. ويوفروا علي سنين من عمري بس انا مبهور بالشيخ. مبهور بفلان شيخ فلان اللي شريته الناس اللي اسمها انا صغير مش فاهم اه ضاع علي حوالي اربع سنين بسبب النقطة دي بس. فمش عايز يضيع عليك وقت. اعرف حبيبي انت لما تصاحب صاحبك داهو وتعلى. انت هتللاقى الشيخ هو اللي بيجرى وراك. لانك انسان - 00:42:55

خلي الناس هي اللي تجري وراك ما تجريش ورا حد ما تنزلش من قيمتك عشان حد. انجح. انجح والدنيا كلها تلف حواليك. ادفع تمن النجاح. اتعب تلات اربع سنين تبقى نجم - 00:43:18

دنيا واحدة بدل ما احنا يا جماعة احنا احنا يا جماعة حاجات كتير في دماغنا عارفين الشباب بتوعنا في مصر الدولة ما بتجيبناش شقق ليه والدولة هتجيب لك شقق ليه - 00:43:33

والدولة هتجيب لك شقق منين ومين قال ان مسئولية بلد انها تجيب شقق لعيال وانت يا اجدتا السبععميت عضلة اللي ربنا اداهم لك في جسمك وزيفتهم ايه؟ تقدعد على القهوة تشرب حجرين ومستني - 00:43:44

ما تقوم يا ابني تشتغل. يا عم كلوا حشك. هتقعد تعيط ظلموه. يا اخوانا عايزين نشيل مسئولية نفسنا شوية انت مش مسؤول عن مشاكلك بس انت مسؤول عن حلها وانت اللي هتحاسب على المشاريب في الآخر - 00:43:56  
احنا عايزين ننجح دنيا ودين. حاضر يا فندم. عايزين نرفع قيمة دعوتنا دنيا ودين يا بشمهندس اهلا - 00:44:12